

An Phaistis


Ón Vicipéid, an chiclipéid shaor.

Is í an **Phaistis** teanga náisiúnta na hAfganastáine. Thairis sin, labhraíonn na treibheacha fáin sa Phacastáin, in aice le teorainn na hAfganastáine, canúintí Paistise. Níl sé soiléir cé mhéad daoine a labhraíonn ó dhúchas í, ach creidtear go bhfuil timpeall dhá scór milliún, nó leathchéad milliún, acu ann. Níl mórán caighdeánú ná saothrú liteartha déanta ar an bPaistis riamh, agus mar sin, is fearr le lucht a labhartha féin Peirsis nó Urdais a úsáid mar theanga scríofa. Tá gramadach na Paistise i bhfad níos casta agus níos seanársa ná gramadach na Peirsise.

Baineann an Phaistis leis an gcraobh Oir-Dheisceartach de na teangacha Iaránacha. Is iad na teangacha Iaránacha i Sléibhte Pamir is gaolmhaire léi, cosúil leis an teanga Sarikoli, an teanga Shughni, an teanga Wakhi agus an teanga Munji.

Tá stádas áirithe ag an bPaistis sna cúigí Pacastánacha ina labhraítear í - i gCúige na gCríoch Thiar Thuaidh (Béarla: *North-West Frontier Province*) agus i gcríocha na dtreibheacha atá faoi cheannas an rialtais fheidearálaigh (Béarla: *Federally Administered Tribal Areas*). Go praiticiúil, áfach, níl mórán stádais ag an bPaistis sa Phacastáin, nó is iad teangacha oifigiúla an stáit - an Urdais agus an Béarla - an dá theanga is láidre sa tsochaí. An cineál Paistise a bhíonn le cloisteáil sa Phacastáin, bíonn sí breac le hiasachtaí Béarla agus Urdaise, ní nach ionadh. Ón taobh eile de, cé go bhfuil stádas oifigiúil ag an bPaistis san Afganastáin, is í an Pheirsis an teanga is mó a úsáidtear san oideachas agus sna nuachtáin sa tír sin.

Paistis	
پښتو <i>paṣto</i>	
Á labhairt:	An Phacastáin, An Afganastáin
Réigiún:	An Áise Theas-Lár
Cainteoirí san Iomlán:	40-50 milliún
Rang:	82-92
Líne ghinealaigh:	Ind-Eorpais <div>Ind-Iaráinis</div> <div>Iaráinis</div> <div>Thoir Thuas</div> <div>Paistis</div>
Stádas Oifigiúil	
Teanga Oifigiúil:	na hAfganastáine (<i>Náisiúnta</i>) na Pacastáine (<i>sna cúigí</i>)
Foras Pleanála Teanga:	<i>Rialtóir ar bith</i>
Cóid teangeolaíocha	
ISO 639-1	ps
ISO 639-2	pus
ISO 639-3	pus (http://www.sil.org/iso639-3/documentation.asp?id=pus)
Amharc ar: <u>Teanga</u> – <u>Liosta Teangacha</u>	



Is síol é an t-alt seo. Cuir leis (https://ga.wikipedia.org/w/index.php?title=An_Phaistis&action=edit), chun cuidiú leis an Vicipéid.

Má tá alt níos forbartha le fáil i dteanga eile, is féidir leat aistriúchán Gaeilge a dhéanamh.

Aisghafa ó "https://ga.wikipedia.org/w/index.php?title=An_Phaistis&oldid=759383"

Tugadh an leathanach seo cothrom le dáta an 27 Márta 2015 ag 07:48.

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bhreis. Féach ar [Téarmaí Úsáide](#) le sonraí a fháil.

Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.